

Morning Dogri (NSD) National News Bulletin 03-09-2024

आकाशवाणी

खबरां शगुफता चौधरी कोला ।

1. प्रधानमंत्री नरेन्द्र मोदी होर अज्जै थमां ब्रुनेई ते सिंगापुर दे त्रै दिनें दे दौरे पर जा'रदे न। उनें मेद प्रगट कीती जे इस दौरे कन्नें इनें मुखे कन्नें भारत दे सरबंध होर निग्गर बनगन ।
2. केन्द्री मंत्रिमंडल दी सुरक्षा सरबंधी कमेटी नै भारतीय वायु सेना दे एसयू-30 एमकेआई जहाज लेई 240 एरो इंजन खरीदने दी मंजूरी देई दिती ऐ ।
3. केन्द्र सरकार नै 23में विधि आयोग दे गठन दी अधिसूचना जारी करी दिती ऐ ।
4. केन्द्री जांच ब्यूरो सीबीआई नै मैडिकल प्रतिष्ठान च माली गड़बड़िएं गी लेइयै आर. जी.कर मैडिकल कालेज दे साबका प्रिंसिपल डॉ. संदीप घोष गी गिरफ्तार करी लैता ऐ ।
5. गुजरात, महाराष्ट्र, तेलंगाना ते आंध्रप्रदेश सनें मुखे दे केई इलाके च भारी बरखे कारण आम जनजीवन प्रभावत, गुजरात दे केई हिस्से लेई रैड अलर्ट जारी ।
6. पैरालंपिक्स च कल सुमित अंतिल नै नेजा सुट्टने आले मकाबलेबाजी च सुन्ने दा तगमा जित्तेआ । पदक तालिका च भारत 15में नंबर पर पुज्जी गेआ ऐ । विश्व टेबल टेनिस यूथ कन्टेडर 2024 च भारत दी दिव्यांशी भौमिक नै केहू दा तगमा हासल कीता ऐ ।

<><><><><><>

PM-Brunei

प्रधानमंत्री नरेन्द्र मोदी होर अज्ज ब्रुनेई ते सिंगापुर दी त्रै दिनें दी यात्रा लेई रवाना होंगन । नमीं दिल्ली च कल विदेश मंत्रालय दे पूर्वी मामले दे सचिव जयदीप मजुमदार नै दस्सेआ ऐ जे प्रधानमंत्री ब्रुनेई दे सुल्तान हाजि हसनअल बोलकिया दे साददे उप्पर उत्थे जावा'रदे न। प्रधानमंत्री मोदी होर अज्ज ते कल ब्रुनेई दी यात्रा पर रौंहगन । भारत दे कुसै बीप, प्रधानमंत्री

दी एह पैहली ब्रुनेई दी यात्रा ऐ। भारत ते ब्रुनेई बश्कार राजनीतिक सरबंधे दे 40 ब'रे पूरे होने दे मौके पर एह यात्रा होआ करदी ऐ। प्रधानमंत्री हुंदी यात्रा दा दूआ पड़ाह सिंगापुर होग। ओह सिंगापुर दे प्रधानमंत्री लॉरेंस वोंग हुंदे साददे पर 4 ते 5 सितम्बर गी उत्थें दी यात्रा पर रौंहगन। दौने नेता भारत ते सिंगापुर बश्कार रणनीतिक सांझेदारी दी प्रगति दी समीक्षा करगंन ते आपसी हितें दे क्षेत्रीय ते वैश्विक मुद्दें पर गल्लबात करगंन। प्रधानमंत्री मोदी तकरीबन 6 ब'रें मगरा सिंगापुर जा'रदे न। सिंगापुर ते भारत बश्कार रक्षा सैहयोग मजबूत ऐ। दूई बक्खी बपार ते निवेश दे खेत्तर च बी दौने देशें बश्कार सरबंधें च विकास दिक्खेआ गेआ ऐ। सिंगापुर आसियान देशें च भारत दा सब्बने थमां बड्डा बपारिक सांझेदार ऐ ते ज्यादातर विदेशी निवेश दा मुख्क साधन ऐ।

<><><><><><>

CCS-Aero Engine

केन्द्रीय मंत्रिमंडल दी सुरक्षा मामले दी समिति नै भारतीय वायु सेना दे एसयू-30 एमकेआई जहाजें आस्तै 240 एयरो इंजनें दी खरीद दे प्रस्ताह गी मंजूरी देई दिक्ती ऐ। इस मसौदे गी हिंदुस्तान एयरोनाटिक्स लिमिटेड थमां सब्बने करें समेत 20 ज्हार करोड़ रुपें दी लागत भारतीय सूचि च क्रथ दे वर्ग च मंजूरी दिक्ती गेई ऐ। रक्षा मंत्रालय ने आखेआ ऐ जे इनें एयरो इंजनें गी सोंपने दा कम्म 1 ब'रे मगरा शुरू होग ते इसी 8एं ब'रें च पूरा करी लैता जाग। एह इंजन 54 फीसद स्वदेशी सामग्री कन्नै बने दे न ते इंदा निर्माण हिंदुस्तान एयरोनाटिक्स लिमिटेड दे कोरापुट प्रभाग च कीता जाग।

<><><><><><>

Law Commission

केन्द्र सरकार नै 23में विधि आयोग दे गठन दी अधिसूचना जारी करी दिक्ती ऐ। त्रै ब'रे आस्तै बनाए गेदे इस आयोग दा कार्यकाल 31 अगस्त 2024 तगर होग। आयोग च पूरे समें लेई अध्यक्ष ते सदस्य सचिव सनें चा मिंबर होंगन। विधि मामले दे विभाग दे सचिव ते संसदीय मामलें दे विभाग दे सचिव आयोग दे मिंबर होंगन। एहदे च किश चिरे लेई मिंबर बी होई सकदे न। सर्वोच्च अदालत ते उच्च अदालत दे न्यायधीश इस आयोग दे अध्यक्ष ते मिंबर होंगन।

<><><><><><>

Union Ministers

केन्द्रीय सैलसफा ते संस्कृति मंत्री गजेन्द्र सिंह शेखावत होरें कल मेघालय दे शिलांग च सैलसफा मंत्रिं दे सम्मेलन दी अध्यक्षता कीती। सम्मेलन च पूर्वोत्तर, पूर्वी राज्यें ते केन्द्र शासत प्रदेशें दे सैलसफा मंत्रिं हिस्सा लैता। गजेन्द्र सिंह शेखावत होरें आखेआ जे देशै च सैलसफा दी समग्र वृद्धि ते विकास आस्तै मंत्रालय सब्बनें राज्यें ते केन्द्र शासत प्रदेशें कन्नैमता सैहयोग आहनने आस्तै बैठकें दी इक श्रृंखला दी त्री बैठक ही। एहदे थमां पैहले चंडीगढ मे गोवा च बैठक होई चुकी दी ऐ। उनें आखेआ ऐ जे एह बैठकां विश्व सतह पर सैलसफा थाहरें गी विकसित करने वैकल्पिक थाहरें गी बढ़ावा दे खेततर च सुरक्षा कनैक्टिविटी, बिजली, पानी, स्वच्छता ते बपार करने च आसानी च सुधारें पर ध्यान केन्द्रित करोग। उनें आखेआ ऐ जे सैलसफा उद्योग सार्वजनिक नीजि भागीदारी मॉडल दे हिस्से दे तौरा पर बद्ध शा बद्ध बाद्धे आस्तै नीजि निवेश दी तलाशस च ऐ। उनें स्वदेश दर्शन योजना ते तीथ्रयात्रा कायाकल्प जनेई मती सारी सरकारी पैहलकदमिं बारे गल्लबात कीती। उनें राज्यें च बक्ख-बक्ख खेत्तरें च सैलसफा दे विकास आस्तै प्रस्ताह पेश करने लेई बी आखेआ। केन्द्रीय मंत्री अज्ज दक्खन-पच्छम खासी हिल्स जिले च राज्य ते जिला सतह दे अधिकारिं कन्नै इक समीक्षा बैठक करगंन।

<><><><><><>

Mig-29 krash

भारतीय वायु सेना दा इक मिक-29 लड़ाकू विमान कल रातीं राजस्थान दे बाडमेर कश क्रैश होई गेआ। वायु सेना नै आखेआ ऐ जे लड़ाकू विमान च रातीं सिखलाई मिशन दे दरान तकनीकी खरीबी आई जेहदे मगरा पायलट गी जहाज थमां निकलना पेआ। पायलट सुरक्षत ऐ ते जान मान दे कुसै बी नुक्सान दी कोई बी सूचना नेई ऐ। इस मामले च वायु सेना दी तरफा कोर्ट ऑफ इंकवायरी दे आदेश देई दित्ते गे न।

<><><><><><>

CBI

केन्द्रीय जांच ब्यूरो सीबीआई नै कल मैडिकल अस्पताल च माली गड़बड़ीं गी लेइयै आर.जी. कर मैडिकल कालेज ते अस्पताल दे साबका प्रिंसिपल डॉ. संदीप घोष गी हिरासतै च लेई

लैता ऐ। केन्द्रीय अजेंसी उंदे थमां पिछले म्हीने इक महिला डाक्टर कन्नै होए दे बलात्कार ते हत्या मामले गी लेइयै पुच्छ-गिच्छ करा'रदी ऐ।

<><><><><><>

Gujrat Rains

मेसम विभाग नै अगले त्रऊं दिनें दरान गुजरात च बड़ी मती बरखा पौने दी पेशगोई कीती ऐ। अज्ज सूरत ते भरुच जिलें आस्तै भारी बरखा दा रैड अलर्ट जारी कीता ऐ। आकाशवाणी दे संवाददाता दी जानकारी मूजब दक्खन गुजरात खेत्तर दे सेवरवत थाहरें पर पिछले 24एं घंटे दे दरान बड़ी मती बरखा दर्ज कीती गई ऐ।

<><><><><><>

Maharashtra Rains

महाराष्ट्र दे मराठवाड़ा इलाके च भारी बरखें दे चलदे 4 लोकें दी मौत होइ गई ते 17 दुए धायल होई गेदे न। हाड़ें कारण 6 ग्रएं दे लोक प्रभावत होए न। हाड़ें कारण घरें ते फसलें गी नुकसान पुज्जा ऐ। जानकारी मूजब कोई 45 हेक्टर जिमीं पर कपाह ते सोयाबीन दी फसल गी भारी नुकसान पुज्जा ऐ। उपमुख्यमंत्री देवेन्द्र फडणवीस होरें हालात दा जायजा लैता ते जिला अफसरें गी नुकसान दा सर्वेक्षण करने दा निर्देश जारी कीता ऐ।

<><><><><><>

Telangana Rains

तोआई तेलंगाना दे केई इलाकें च बरखा च कमी आई ऐ, पर अजें बी किश इलाकें च बरखा जारी ऐ। जंदे रोज होई दी भारी बरखें कारण महबूबाबादा ते सूर्यापेट इलाके च लोकें गी मतिएं दिक्कतें दा सामना करना पवा'रदा ऐ। एनडीआरएफ ते एसडीआरएफ दियां टीमां राहत ते बचाह कम्में च लग्गी दियां न। बरखतें ते हाड़ें कारण उत्थें 16 जनें दी मौत होई चुकी दी ऐ।

<><><><><><>

AP Rains

आंध्रप्रदेश च एनटीआर ते गुटूर जिलें च हाडें थमां प्रभावत इलाकें च सामान्य स्थिति ब्हाल करने लेई युद्ध स्तरें पर कोशशां जारी न। एनडीआरएफ ते राज्य अजेंसियां हैलीकाप्टरें ते ड्रोन दी मदद कन्नै बक्ख-बक्ख थाहरें पर फसे दे लोकें गी सुरक्षत बाहर कच्डने ते राहत पजाने च लग्गी दियां न। अजें तोडी 42 जहार लोकें गी सुरक्षत थाहरें पजाया जाई चुके दा ऐ।



5-Huthi

यमन दे हूती किलिशिया समूह नै लाल सागर च पनाका दे झंडे आले तेल दे टैंकर जहाज ब्लू लैगून-वन उप्पर हमले दी जिम्मेदारी लैती ऐ। हूती दे प्रवक्ता सरेआ नै आचोआ ऐ जे जहाज उप्पर मती सारी मिसाइलें ते ड्रोन कन्नै हमला कीता गोआ ते उसी सिद्धा नशाना बनाया गोआं प्रवक्ता ने दस्सेआ ऐ जे एह जहाज जिस कंपनी दा ऐ उन्नै इजराइल कन्नै सौदा कीता हा। एहदे कारण उसी नशाना बनाया गोआ। उत्थें दी मती सारी मीडिया रिपोर्सें पर दस्सेआ गोआ ऐ जे ब्लू लैगून वन जहाज ग्रीस दा ऐ ते पनाका दे झंडे कन्नै ओहदा संचालन होआ'रदा ऐ।



Paraolympic

पैरिस च पैरालंपिक्स दे कल 5में रोल भारत पदक तालिका च 15में नंबर पर पुज्जी गोआ ऐ। कल सुमित अंतिल नै नेजा सुट्टने आले मकाबले च सुन्ने दा तगमा जित्तेआ। उनें 70.59 मीटर दे छिंडे पर नेजा सुट्टियै नमां रिकार्ड बनाया। बैडमिंटन च नितेश कुमार नै मर्दे दे सिंगल्स एसएल-3 श्रेणी च सुन्ने दा ते सुहास यतिराज नै मर्दे दी एसएल-4 श्रेणी च चांदी दा तगमा हासल कीता। तीरंदाजी च मिक्स्ड टीम कंपाउंड इवेंट च शीतल देवी ते राकेश कुमार गी कैह दा तगमा हासल होआ। अज्ज नशानेबाज अवनी लेखरा सुन्ने दा इक होर तगमा हासल करने दी कोशत करगंन जिसलै जे मरियप्पन थंगावल कोला बी अज्ज उच्ची छाल मारने दी टी-63 फाइनल स्पर्धा दे तगमे दी मेद कीती जा'रदी ऐ।



Divyanshi

विश्व टेबल टेनिस यूथ कन्टेंडर 2024 च भारत दी दिव्यांशी भौमिक नै कैह दा तगमा जित्तेआ ऐ। क्रोएशिया च आयोजित इस विश्व प्रतियोगिता च तगमा जित्तने आली 13एं ब'रे दी दिव्यांशी खेले इंडिया दी एथलीट न।

<><><><><><>